



TOSHKENT DAVLAT YURIDIK UNIVERSITETI REKTORINING B U Y R U G ' I

13.01.2025

27-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta'lim shakli bo'yicha ayrim talabalari tomonidan o'quv intizomi, Odob-ahloq kodeksi va ichki tartib-qoidalarini buzish holatlari aniqlandi.

Xususan, 1-kurs rus A potok 1-guruh talabasi Isayev Daler Jamshidovich, 1-kurs rus B potok 1-guruh talabalari G'ulomjonov Javoxir Alisher o'g'li va Panjiyev Abrorbek Akmalovichlar belgilangan talablarga zid ravishda universitet hududida tamaki mahsulotlarini iste'mol qilganligi aniqlandi va holat yuzasidan talabalardan tushuntirish xati olindi. Bundan tashqari, 2-kurs A potok 1-guruh talabasi Payziyev Elbek Jasurbek o'g'li va 2-kurs rus B potok 2-guruh talabasi Jo'raqulov Javohir Jamshid ug'lilar oldin ham Odob-axloq kodeksi qoidalariga rioya etish lozimligi bo'yicha bir necha marotaba ogohlantirilganliklariga qaramasdan universitetda o'rnatilgan kiyinish qoidalariga rioya etmay kelayotganligi aniqlandi va holat yuzasidan tushuntirish xati olindi.

Yuqoridagilarga ko'ra:

Isayev Daler Jamshidovich, G'ulomjonov Javoxir Alisher o'g'li va Panjiyev Abrorbek Akmalovichlar universitet Odob-axloq kodeksi 17-moddasining to'rtinchi (giyohvand moddalar, psixotrop, sintetik vositalar va ularning analoglari, alkogol va tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste'mol qilish va tarqatish) va o'ninchi (Universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish) xatboshilarida;

Payziyev Elbek Jasurbek o'g'li va Jo'raqulov Javohir Jamshid ug'lilari universitet Odob-axloq kodeksi 12-moddasining beshinchi (Universitet

xodimi, talabasi va doktoranti bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart) va 24-moddasining uchinchi (Talaba ta'lim-tarbiya jarayonida tegishli dekanat mas'ul xodimlarining bergan qonuniy topshiriq va ko'rsatmalarini bajarishi shart) xatboshilarida belgilangan qoidalarni buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug'i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-axloq kodeksi tegishli moddalarini buzganligi hamda Magistratura va sirtqi ta'lim fakulteti dekanining taqdimnomasiga muvofiq,

BUYURAMAN:

1. Quyidagilar:

Isayev Daler Jamshidovich – sirtqi ta'lim shakli 1-kurs rus A potok 1-guruh (ta'lim tili – rus);

G'ulomjonov Javoxir Alisher o'g'li – sirtqi ta'lim shakli 1-kurs rus B potok 1-guruh (ta'lim tili – rus);

Panjiyev Abrorbek Akmalovich – sirtqi ta'lim shakli 1-kurs rus B potok 1-guruh (ta'lim tili – rus);

Payziyev Elbek Jasurbek o'g'li – sirtqi ta'lim shakli 2-kurs A potok 1-guruh (ta'lim tili – o'zbek);

Jo'raqulov Javohir Jamshid ug'li – sirtqi ta'lim shakli 2-kurs rus B potok 2-guruh (ta'lim tili – rus) talabalariga universitet Odob-axloq kodeksining tegishli normalarini buzganligi uchun hayfsan e'lon qilinsin.

2. Magistratura va sirtqi ta'lim fakulteti dekani A.Babadjanov:

ushbu buyruq bilan talabalarni tanishtirsin;

talabalarining shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV



Kelishildi:

Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Katta yuriskonsult

A.TURSUNOV

